

Te mahere ā-rohe o Ōtara-Papatoetoe 2020

He aronga poto i tā mātou mahere



Mihi

Tēnā kia hoea e au taku waka mā ngā tai mihi o ata
e uru ake ai au mā te awa o Tāmaki
ki te ūnga o Tainui waka i Ōtāhuhu.
I reira ka toia aku mihi ki te uru ki te
Pūkaki Tapu o Poutūkeka,
i reira ko te Pā i Māngere.
E hoe aku mihi mā te Mānukanuka o Hoturoa
ki te kūrae o Te Kūiti o Āwhitu.
I konā ka rere taku haere mā te ākau
ki te pūaha o Waikato, te awa tukukiri o ngā tūpuna,
Waikato Taniwharau, he piko he taniwha.
Ka hīkoi anō aku mihi mā te taha whakararo
mā Maioro ki Waiuku, ki Matukutūreia
kei konā, ko ngā Pā o Tāhuna me Reretewhioi.
Ka aro whakarunga au kia tau atu ki Pukekohe.
Ka tahuri te haere a taku reo ki te ao
o te tonga e whāriki atu rā mā runga i ngā hiwi,
kia taka atu au ki Te Paina,
ki te Pou o Mangatāwhiri.
Mātika tonu aku mihi ki a koe Kaiaua
te whākana atu rā o whatu mā Tīkapa Moana
ki te maunga tapu o Moehau.
Ka kauhoetia e aku kōrero te moana ki Maraetai
kia hoki ake au ki uta ki Ōhuiarangi,
heteri mō Pakuranga.
I reira ka hoki whakaroto ake anō au
i te awa o Tāmaki mā te taha whakarunga
ki te Puke o Taramainuku, kei konā ko Ōtara.
Ka rewa taku mihi ki runga ake o Kohuora,
kātahi au ka toro atu ki te Manurewa a Tamapohore.
Ka whakatau aku mihi mutunga
ki runga o Pukekiwiriki
kei raro ko Papakura
ki konā au, ka whakatau.

Kei tēnei puka te whakarāpopotohangā o te Mahere Poari ā-Rohe. Toro atu
ki te paetukutuku o Te Kaunihera o Tāmaki Makaurau,
www.aucklandcouncil.govt.nz mō te roanga ake o te mahere.

He kōrero nō te Heamana

Lagi māina ma le soifua laulelei.

E hari ana te ngākau ki te whakarewa ake i te Mahere ā-Rohe o Ōtara-Papatoetoe 2020-2023. I ngā marama tuatahi o te tau, i torotoro atu mātou ki te kohikohi i ū whakaaro. I hoki ki ū whakaaro me ngā mahi i oti ai i ngā tau kua taha, ā, ka aro tonu atu ki ngā whakaotinga e ono e whai take ai ināianei, āpōpō hoki.

Ko ā mātou mahi he mea taketake i te wawata ki te whakahou i a Manukau, ki te akiaki i te kotahitanga me te taurikura i ngā hapori, ki te whakapakari i te ohaoha ā-rohe, ki te tūhono i ngā tōpitopito o te rohe. E ngākau nui ana mātou ki te hāpai i ngā mahi ukauka i te taiao. Mā ēnei mahi ki te manaaki i te taiao e whakareri i a tātou ki te kaupare i ngā raru āhuarangi, ā, ko ngā wāhi o te hapori e tata ana ki te raru e whai hua ai. Ka mahi tahi tonu tātou ki te whakakaha i ngā tūhonotanga o ngā iwi maha o te hapori kia puta ko ngā takiwā e tautoko ana i tēnā, i tēnā. E ngākau nui ana mātou ki te mana taurite me te whai wāhi atu o te tangata ki ngā whiringa ā-rohe o te hapori. Ka āta whakataurite mātou i te whanaketanga ā-ōhangā me te ngau o te utu kia whai mana taurite ai ngā tāngata o te hapori.

He aumangea mātou, heoi, e whakapono ana mātou ka tino rongo ngā hapori o Ōtara-Papatoetoe i te ngau o te MATE-KORONA. Ko te mana tauaro e rāngona ana e ngā hapori Māori, ngā hapori o Te Moana-nui-a-Kiwa, me ērā atu hapori hoki, ka taumaha kē atu i tēnei wā. Kei te mātāmua o ngā whakaaro me ngā mahi a te poari te oranga o te tangata. Ko ngā wheako o te MATE-KORONA he mea whakamaumahara i a tātou ki te whakakaha, ki te whakariterite. I a tātou e takahi ana i te ara ki te ora, he tino whakahirahira ngā whanaungatanga ki te mana whenua, ngā rōpū hapori, ngā pakihī, ngā ahumahi, ngā ohu hauora me ngā ohu mātauranga.

E whāwhai ana mātou ki te whakatū i ngā wāhi mahi mō ngā tāngata o tēnei rohe, ā, me whakaora i ngā pakihī, me ngana ki te whakamahi i ngā rōpū ā-rohe mō ngā kaupapa me ngā hinonga hokohoko. Ka kaha tō mātou akiaki i te kōkiritanga o ngā hinonga ki Ōtara-Papatoetoe i ngā hui ki te Governing Body, Panuku Development Auckland (Panuku) me Auckland Transport (AT).

Nā runga i ngā mahi whakarauora whai muri i te MATE-KORONA kua tino heke te pūtea, nā whai anō ka aro pū ki ngā kaupapa e whai hua nui ai a Ōtara-Papatoetoe. Kei te hiahia hoki mātou kia whakamārōhia e te kaunihera ētahi kaupapa matua i tōna tahua pūtea tekau-tau:

- Whakahoungia a Manukau: Whanakehia te rohe kōreporepo o Hayman Park ka tahi, whakaotia te whakahounga o te pāka/papa tākaro (Wāhanga 2), ka rua.
- Manukau Sports Bowl: Whakamārōhia te mahere, whakamārōhia te pūtea ki te whakatinana i te mahere.
- Whakawhanakehia a Papatoetoe: Rangahua ngā kōwhiringa ki te whakatū i te pokapū hapori ki te whakapakari i ngā ratonga hapori.
- Ōtara: Whakahoungia ngā whare kia tika ai mō ngā kaupapa e kawea ana, e.g. te whare mātauranga, East Tamaki Community Centre me te takiwā o te Ōtara Fair Mall.


Kua oti te mahere poari ā-rohe. E mārō tonu ana tō mātou hiahia ki te whakawhanake i te hapori Ōtara-Papatoetoe kia kaha ai, kia tūhonotia ai, ā, e hiahia hoki ana mātou kia whai wāhi atu koe ki ngā whiringa e pā ana ki te āpōpō o tō tātou rohe. Kei te titiro whakamua ki te mahi tahi ki ō tātou hapori ki te mahere i ngā toru tau kei mua i te aroaro.

Ngā mihi,
Lotu Fuli



Heamana,
Poari ā-Rohe o Ōtara-Papatoetoe
5 Whiringa-ā-rangi 2019 ki te 30
Paengawhāwhā 2021

Ngā mihi,
Apulu Reece Autagavaia



Heamana,
Poari ā-Rohe o Ōtara-Papatoetoe
1 Haratua 2021 ki te mutunga o tēnei
toru-tau pōti 2022

He whakarāpopotohanga o ngā kaupapa matua o te mahere

Whakaotinga tahi: Whakaahua i Manukau

Ko te pokapū o Manukau te ngākau hīkaka o tō tātou rohe pōtae - he wāhi ātaahua ki ngā manuhiri, he pokapū pakihī, he wāhi ki te hokohoko, ki te noho, ki te ako, ki te mahi, ki te whakangahau.

Whakaotinga rua: He ohaoha ā-rohe taurikura

Nā ō tātou pokapū tāone hīkaka e hua mai ai te whanaketanga ohaoha ā-rohe toitū, e torotoro mai te hunga moni haumi me ngā manuhiri hoki. He maha ngā ara whai pūkenga, whai mahi hoki, mō ngā rangatahi me te hapori whānui, ā, ka hua mai i tērā te paerewa oranga teitei.

Whakaotinga toru: He hapori taurikura, manaaki, haumaru hoki

Kua tūhonohia ngā iwi maha o te hapori, ka rāngona te whanaungatanga, ka whakahīhī te tangata i tō tātou rohe. Ka rongo te tangata i te whanaungatanga me te marutau, ā, ka ngāwari ake te hāereere ki wāhi kē.

Whakaotinga wha: He papa rēhia, he ratonga e hāngai ana ki ō ngā tāngata hiahia

E tika ana ngā whare me ngā papa tākaro mō ngā kaupapa e kawea ana me ūna hapori. Ka toko ake te tuakiri motuhake me te wairua whakahīhī i ngā tāngata nā te ngākaunui ki te rohe nei. Ka piki ake te maha o te hunga e whai atu ana i te ara tinana ora.

Whakaotinga rima: He taiao toitū, hauora hoki

Ka ngākaunui tātou ki te taiao, ka ukauka i te taiao i ngā mahi o ia rā. E ora ana ngā arawai me te taiao whānui, ā, karekau he riha, he para, he parataiao. Ki tēnei rohe ka whakamātāmuatia te taiao, ka whakatinanahia te kaitiakitanga.

Whakaotinga ono: He wāhi honohono, he ngāwari te neke haere

Ka ngāwari ki te katoa, ka marutau ki te katoa, te torotoro haere mā raro, mā runga paihikara, mā runga pahi, mā runga tereina, mā runga motukā.

Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi tōpū o te Poari ā-Rohe o Ōtara-Papatoetoe mai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/21 (\$000)		
Whiwhinga moni i ngā mahi whakahaere			
Ratonga hapori ā-rohe	-	-	3,191
Whakarautaki ā-rohe me ngā mahi whakawhanake	-	-	-
Ratonga taiao ā-rohe	-	-	-
Mahi kāwana ā-rohe	-	-	-
Tataunga whiwhinga moni i ngā mahi whakahaere			3,191
Whakapaunga moni ki ngā mahi whakahaere			
Ratonga hapori ā-rohe	-	-	16,307
Whakarautaki ā-rohe me ngā mahi whakawhanake	-	-	1,115
Ratonga taiao ā-rohe	-	-	304
Mahi kāwana ā-rohe	-	-	1,014
Tataunga whakapaunga moni ki ngā mahi whakahaere			18,740
More whakapaunga moni ki ngā mahi whakahaere			15,549
Whakapaunga moni tōpū			
Ratonga hapori ā-rohe	-	-	7,818
Whakarautaki ā-rohe me ngā mahi whakawhanake	-	-	-
Ratonga taiao ā-rohe	-	-	-
Mahi kāwana ā-rohe	-	-	-
Tataunga whakapaunga moni tōpū			7,818

Ngā Mema o te Poari ā-Rohe o Ōtara-Papatoetoe

	Ngā taipitopito hei toro atu ki ngā mema
	Lotu Fuli – Heamana (tae noa ki te 30 Paengawhāwhā 2021) Waea: 021 242 3713 lotu.fuli@aucklandcouncil.govt.nz
	Dr Ashraf Choudhary- Heamana Tuarua (tae noa ki te 30 Paengawhāwhā 2021) Waea: 021 799 573 ashraf.choudhary@aucklandcouncil.govt.nz
	Apulu Reece Autagavaia- Heamana (mai i te 1 Haratua 2021) Waea: 021 723 146 reece.autagavaia@aucklandcouncil.govt.nz
	Dawn Trenberth – Heamana Tuarua (mai i te 1 Haratua 2021) Waea: 021 729 302 dawn.trenberth@aucklandcouncil.govt.nz
	Ross Robertson Waea: 027 492 3245 ross.robertson@aucklandcouncil.govt.nz
	Swanie Nelson Waea: 021 195 1420 swanie.nelson@aucklandcouncil.govt.nz
	Dr Ofa Dewes Waea: 021 198 1711 ofa.dewes@aucklandcouncil.govt.nz

